



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1509426
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

02 սեպտեմբերի 2020թ.

Բ. Երևան

(կազմման վայրը)

Ակտի հասցեատեր

«ԱՐԳԱՐՅԱՆ ԵՂԲԱՅՐՆԵՐ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	3	3	0	9	0	0	6
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Կոտայքի մ. ք. Եղվարդ 9փ. 111շ. 2բն.

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 10.07.2020թ-ի թիվ 1509426 որոշման համաձայն «Արգարյան Եղբայրներ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 14.08.2020թ-ին ժամը 10:25-ին Արագածոտնի մ. ք. Աշտարակ, ավտոկայանի դիմաց կայանված «Ձիւ» մակնիշի 35 GO 771 պետհամարանիշի ավտոմեքենան բեռնված է «Արգարյան Եղբայրներ» ՍՊԸ-ի կողմից արդյունահանված ընդհանուր 10.000 ՀՀ դրամ արժողությամբ 2.8 խ/մ հրաբխային խարամով:

Պարզվել է նաև, որ վերը նշված ապրանքը «Արգարյան Եղբայրներ» ՍՊԸ-ի կողմից մատակարարվել է ֆիզիկական անձ Հովսեփ Հարությունյանին: Վերջինս իր անձնական կարիքների համար և իր կողմից օգտագործվող «Ձիւ» մակնիշի 35 GO 771 պետհամարանիշի ավտոմեքենայով տեղափոխելիս է եղել նշված ապրանքը, որի համար ընկերության կողմից իրեն չի տրվել ուղեկցող փաստաթուղթ:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 10.000 ՀՀ դրամ արժողությամբ ապրանքների մատակարարման համար ընկերության կողմից 14.08.2020թ-ին ժամը 10:25-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է ֆիզիկական անձ Հովսեփ Հարությունյանի կողմից 14.08.2020թ-ին տրված գրավոր հայտարարությամբ:

Թիվ 1509426 արձանագրությամբ 14.08.2020թ. հարուցվել է վարչական վարույթ: Կողմը, պատշաճ ծանուցված լինելով ներկայացել է վարչական վարույթին, որի վերաբերյալ 21.08.2020թ-ին կազմվել է արձանագրություն: Ընկերության տնօրեն Սեյրան Աբգարյանը հայտնել է, որ ընդունում է կատարված իրավախախտման հանգամանքը, սակայն նշել է, որ վերոգրյալը տեղի է ունեցել այն ժամանակ, երբ անձնական, ընտանեկան կորուստներ է ունեցել: Վերջինս խնդրել է հաշվի առնել նշված հանգամանքը վարչական ակտը կայացնելիս: Վարչական վարույթ իրականացնող մարմինը գտնում է, որ հարկային օրենսգրքով նախատեսված հիմքեր առկա չեն պատասխանատվության միջոց չկիրառելու համար: Գործում առկա չեն այլ լրացուցիչ ապացույցներ, չեն ներկայացվել միջնորդություններ:

Այսպիսով, խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում «Աբգարյան Եղբայրներ» ՍՊԸ-ի կողմից խախտումը վերջին 1 տարվա ընթացքում կատարվում է երկրորդ անգամ (ՀՀ ՊԵԿ իրավաբանական վարչության 28.08.2019թ. թիվ 1505788 վարչական ակտ): Ապրանքների ընդհանուր գումարը կազմում է 10.000 ՀՀ դրամ, որի 100 տոկոսը կազմում է 10.000 ՀՀ դրամ, ուստի օրենսդրական պահանջից ելնելով «Աբգարյան Եղբայրներ» ՍՊԸ-ի նկատմամբ կիրառելի է 500.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Արգարյան Եղբայրներ» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակով:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը



Ստորագրությունը

Կ.Տ.

Ստացա ակտի մեկ օրինակը

ընդամենը 3 էջ

տնօրեն Սեյրան Արգարյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր եղանակով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հարուկ առաքման դեպքում)

Ստորագրությունը

2020թ.

(Նշում ակտը ստորագրելուց և (կամ) ստանալուց հրաժարվելու մասին)